

Na osnovu člana 3. Pravilnika o utvrđivanju kriterija i postupaka za dodjelu finansijskih sredstava u svrhu realizacije manifestacija iz kulture u okviru "Ljeta u Tuzli" 2016 ("Službeni glasnik Grada Tuzla", broj 4/16), Stručna služba za poslove Gradonačelnika i koordinaciju rada gradskih službi Grada Tuzla objavljuje:

**JAVNI POZIV
za dodjelu finansijskih sredstava u svrhu realizacije manifestacija iz kulture u okviru "Ljeta u Tuzli" 2016**

I Predmet javnog poziva:

Stručna služba za poslove Gradonačelnika i koordinaciju rada gradskih službi Grada Tuzla poziva **javne ustanove kulture, organizacije civilnog društva koje se bave kulturom i pojedince (u daljem tekstu aplikanti) sa područja grada Tuzla, da dostave prijedloge manifestacija iz kulture za realizaciju manifestacije „Ljeto u Tuzli“ 2016. i to za:**

- manifestacije na području kulturno-umjetničkog amaterizma
- pozorišne, muzičke i plesne manifestacije
- izložbe i druge manifestacije u likovnoj djelatnosti
- manifestacij iz oblasti filmske i audiovizuelne djelatnosti
- književne manifestacije
- manifestacije iz urbane kulture i kulture mladih
- vjersko-kulturne manifestacije
- manifestacije koje promovišu kulturno-historijsko naslijeđe

U Budžetu Grada Tuzla za 2016. obezbjeđena su sredstva za podršku manifestacijama iz kulture pozicionirana kao: Grant za kulturnu manifestacije- Ljeto u Tuzli.
Grad Tuzla zadržava pravo da ne dodijeli sva dostupna finansijska sredstva.

Namjenskim budžetskim sredstvima Grada Tuzla **zainteresovani aplikanti mogu dobiti finansijska sredstva za realizaciju maksimalno jedne manifestacije.**

Po apliciranoj manifestaciji maksimalno se može dodijeliti 2.000,00 KM..

II Pravo učešća:

Pravo učešća na Javni poziv mogu ostvariti Sredstva iz Budžeta Grada Tuzla dodjeljuju se isključivo na osnovu Javnog poziva kojeg objavljuje Stručna služba za poslove Gradonačelnika i koordinaciju rada gradskih službi (u daljem tekstu: nadležna Služba).

Organizacije civilnog društva i javne ustanove moraju zadovoljiti sljedeće opće uslove:

- a) da su osnovani i registrovani u Tuzli,
- b) da su vođeni od strane državljana Bosne i Hercegovine,
- c) da ne obavljaju aktivnosti u ime političkih partija,
- d) da svoje aktivnosti realizuju na području grada Tuzla i u prostorijama javnih ustanova kulture. Manifestacije se mogu realizovati i na drugim lokacijama, ali ukoliko promovišu grad Tuzlu.
- e) da se radi o manifestacijama iz kulture koje počinju 10. juna, a završavaju 30.septembra tekuće godine.

Pojedinci moraju zadovoljiti sljedeće opće uslove:

- a) da im je mjesto prebivališta Tuzla
- b) da su državljani Bosne i Hercegovine
- c) da ne obavljaju aktivnosti u ime političkih partija

- d) da svoje aktivnosti realizuju na području grada Tuzla i u prostorijama javnih ustanova kulture. Manifestacije se mogu realizovati i na drugim lokacijama, ali ukoliko promovišu grad Tuzlu.
- e) da se radi o manifestacijama iz kulture koje počinju 10. juna, a završavaju 30. septembra tekuće godine.

III Prijavna dokumentacija:

Prijava na Javni poziv podnosi se na prijavnim obrascu.

Obrasci/smjernice sa uputstvima za prijavu manifestacije objavljuju se na web stranici Grada Tuzla www.grad.tuzla.ba

Aplikanti dostavljaju prijave na javni poziv nadležnoj Službi, putem pisarnice Grada Tuzla (Centar za pružanje usluga građanima) **i isključivo putem prijavnog obrasca.**

IV Predaja aplikacija:

Prijave na Javni poziv na propisanim obrascima (sa kompletnom dokumentacijom), u zatvorenoj koverti, potrebno je dostaviti na pisarnicu Grada Tuzla (Centar za pružanje usluga građanima) ili poslati preporučenom poštom na adresu:

GRAD TUZLA
Stručna služba za poslove Gradonačelnika i koordinaciju rada gradskih službi
Ulica ZAVNOBIH-a broj 11
75000 Tuzla
sa obaveznom naznakom:
JAVNI POZIV
za dodjelu finansijskih sredstava u svrhu realizacije manifestacija iz kulture u okviru "Ljeta u Tuzli"- Ne otvarati".

Javni poziv je otvoren **8 dana** od dana objavljivanja, a zaključno sa **20. 5. 2016.**

Uz popunjen prijavni obrazac aplikant je obavezan da dostavi sljedeće dokumente:

1. Prijedlog manifestacije - mora sadržavati sljedeće podatke:
 - a. naziv manifestacije;
 - b. opis manifestacije do dvije kartice;
 - c. naziv subjekta, pravnog lica ili pojedinca koje je nosilac manifestacije;
 - d. kratke informacije o aplikantu;
 - e. broj učesnika manifestacije, datum, vrijeme i mjesto održavanja
2. Finansijski plan za realizaciju manifestacije potpisan od strane odgovorne osobe (pregled budžeta manifestacije i plan potrošnje sa specifikacijom troškova i potrebnih sredstava)
3. Podatke o osobama koje realizuju manifestaciju (kraći CV);
4. Rješenje o registraciji – (za pojedince uvjerenje o državljanstvu i CIPS)
5. Broj bankovnog računa, naziv nosioca računa (aplikanta), naziv banke,
6. Identifikacijski broj (za organizacije civilnog društva i javne ustanove)
7. Uvjerenje o izmirenim poreskim obavezama ili potpisanu izjavu odgovorne osobe aplikanta da nema neizmirenih obaveza prema javnim prihodima (za organizacije civilnog društva i javne ustanove)
8. Završni godišnji finansijski izvještaj za prethodnu godinu (bilans stanja i bilans uspjeha) (za organizacije civilnog društva i javne ustanove)

Aplikant dostavlja fotokopije tražene dokumentacije, ako manifestacija bude odobrena, originalni dokumenti će biti zatraženi na uvid.

Nepotpuna dokumentacija i prijave dostavljene izvan predviđenog roka, neće se uzeti u razmatranje.

Svi aplikanti čiji prijedlozi manifestacija iz kulture u okviru “Ljeta u Tuzli” 2016 ne budu zadovoljili kriterije, biće obaviješteni u pisanoj formi u roku od 30 dana nakon završetka rada Komisije za ocjenjivanje manifestacija.

Rezultati će biti objavljeni na zvaničnoj stranici grada www.grad.tuzla.ba

Sve dodatne informacije o načinu i postupku učešća u Javnom pozivu mogu se dobiti svaki radni dan u Stručnoj službi za poslove Gradonačelnika i koordinaciju rada gradskih službi Grada Tuzla, uz prethodno zakazan sastanak ili putem telefona: 035 307 310; 307 317, te slanjem pitanja na e-mail: kultura@tuzla.ba.